

ՀՆԴԻԿ ԺՈՂՈՎՐԴԻ 1760—1763 ԹԹ. ԱՊՈՏԱՄՈՒԹՅՈՒՆԸ
ԱՆԳԼԻԱԿԱՆ ԳԼՂՈՒԹԱՐԱՐՆԵՐԻ ԳԵՄ
ԵՎ ՀՆԴԻԿԱԶԱՅ ԳԼՂՈՒԹՐ

Թ. Ա. ԱՔՐԱՀԱՄՅԱՆ

Հնդկաստանում ապաստան գտած հայ համայնքները, որոնք դարեր շարունակ վայելել են հնդիկ ժողովրդի սերն ու համակրանքը, անտարբեր չեն գտնվել զաղութային նվաճողների դեմ նրա մղած ազատագրական պայքարի նկատմամբ։ Նրա զայրույթով լցված հնդիկ ժողովուրդը զենք է բուրժուազիայի զաղութարարների դեմ, Հնդկաստանում իրենց երկրորդ հայրենիքը գաած առաջավոր հայերը հանդես են եկել նրա հետ ձևոր-ձևորի տված և իրենց համեստ լուսման մաս-ծել այդ պայքարի մեջ։ Եա առանձնապես ցայտուն դրսևորվել է հնդիկ ժողովրդի՝ 1760—1763 թթ. Բենգալիայում մղած ազատագրական պայքարի ժամանակ։ Մեր ներկա ուսումնասիրության նպատակն է, գլխավորապես հայկական սկզբնաղբյուրների հիման վրա, ցույց տալ այդ պայ-բարի ընթացքում հայերի ունեցած գործուն մասնակցությունը։

Բենգալիայում հնդիկ ժողովրդի ազատագրական պայքարին հայերի ունեցած մասնակցու-թյան մասին ժամանակակից աղբյուրները համեմատաբար սակավ տեղեկություններ են հաղոր-դում։ Արևմտաեվրոպական բուրժուական պատմագրությունը, հասկանալի պատճառով, հայ-հնդկական համատեղ պայքարի մասին կամ լուում է, կամ հիշում է միջանկյալ կերպով՝ աշխա-տելով պատմական իրադարձությունները ներկայացնել ծուռ հայելու մեջ։

1760—1763 թթ. Բենգալիայի իրադարձությունների մասին ամենից ընդարձակ և հավաստի սկզբնաղբյուրը հնդկահայ նավավար Քովմաս Խոջամալյանի «Պատմություն Հնդկաց» մեծարժեք աշխատությունն է՝ գրված 1768 թվականին։ Խոջամալյանին մեծ աջակցություն են ցույց տվել նրա երկու հնդիկ բարեկամները՝ ռաջա Սելիդ Ռաֆին և ռաջա Դիրիրանին։ Նրանց միջնորդու-թյամբ նա իրավունք է ստացել մանել Շահ Ալեմի արքայական դիվանատունը և իրեն հետա-րրորդող հարցի մասին բաղվածքներ կատարել դիվանատան վավերագրերից։ Խոջամալյանը միասնական տեղեկություններ է հավաքել ականատես մարդկանցից, որոնք, հնդինակի վկայու-թյամբ, մասնակցած են եղել այդ պայքարին։ Ահա այս հավաքած նյութերի հիման վրա նա շարադրել է իր «Պատմություն Հնդկացը»։

Հնդիկ ժողովրդի ազատագրական պայքարին հայերի ունեցած մասնակցության փաստն իր արտահայտությունն է գտել Բենգալիայի հայտնի նովելիստ Չանգրա Չատերջիի պատմական մի նովելում։ Երբ կոչվում է «Չանդրիա չիկհար»։ Հնդինակր փորձել է տալ այդ պայքարի ակտիվ մասնակիցներից մեկի՝ Գևորգի խանի կերպարը, ներկայացնելով նրան որպես հնդիկ ժողովրդի տեսարդախ բարեկամի, մի անձնավորության, որը հերոսաբար ընկել է այդ պայքարում։

Տվյալ իրադարձությունների մասին անգլիական աղբյուրներից որոշ նյութեր են պահվել ժամանակի պաշտոնական գրադրությունների մեջ, որոնք հրատարակվել են Արենլյան հնդկական ընկերության պաշտոնական տեղեկագրում։ Ուշուղբյուրյան արժանի են հատկապես Կալկաթայի և Փաթանայի անգլիական գորահրամանատար էլլիսի՝ 1762 թվականի հունվարի 26-ի, 28-ի և փետրվարի 22-ի նամակները Կալկաթայի կառավարչին, Միր-Կասիմի՝ 1762 թվականի փետր-վարի 22-ի նամակը, ռաջա Բուրիի նամակը Միր-Կասիմին և այլն։ Արժեքավոր տեղեկություն-ներ են պահվել պարսկերեն լեզվով գրված «Մուզաֆարի տարեգրության» մեջ, որի մի հատ-վածը, Բենգալիայի Ասիական պետական արխիվից վերցնելով, հրատարակել է հնդկահայ նշա-նավոր պատմաբան Մեսրոպ-Սեթը։

Բենգալիայի ազատագրական պայքարում հայերի ունեցած մասնակցության մասին պատ-մաբան ուսումնասիրողներից խոսել են անգլիացի պատմաբաններ Մարշմանը և Մակ-Ֆաուլենը՝ առգլերեն լեզվով գրած իրենց «Հնդկաստանի պատմության» մեջ, Բնդունդիաի Սամառանդ րա-հարի ընակիչ Խ. Ա. Քովմասյանը՝ «Բազմավնպ» ամսադրում (1880, էջ 212—244), Ազոնդո իր րազմահատոր «Աշխարհագրություն շոոից մասանց աշխարհիս» շորրորդ հատորում (էջ 63—

69) և այլն: Ապստամբության ղեկավարներից մեկի՝ Գեորգի խանի գործունեությանը հատուկ գուրգուռ է նվիրել Մեսրոպ-Սեթր իր «Հայերը Հնդկաստանում» անգլերեն աշխատության մեջ: Վերջապես, Գեորգի խանի գործունեության մասին թուրքիկ ակնարկ ունի Լեոն 1901 թ. «Փորձ» ամսագրում, ապա «Հայ տպագրության պատմության» երկրորդ հատորում (էջ 463—472):

Նախքան բուն հարցին անցնելը, անհրաժեշտ ենք համարում համառոտ տեղեկություն տալ այն իրադրության մասին, որ յտեղծվել էր Հնդկաստանում, մասնավորապես Բենգալիայում, հիշյալ ժամանակաշրջանում:

Մարքսը, խոսելով անգլիական և ֆրանսիական գիշատիչների մղած պատերազմների և նրանց վերջնական հետևանքների մասին, գրում է. «Յոթնամյա պատերազմների դեպքերը Արևելյան Հնդկական բնկերությանը առևտրական ուժից դարձրին ռազմա-սերիտորիալ ուժ: Հենց այդ ժամանակ էր, որ հիմք դրվեց անգլիական տիրապետությանը Հնդկաստանում»¹:

Գաղութային շահագործումից յուրովի էին հատկապես գյուղացիությունն ու քաղաքային արհեստավորությունը: Կրկնակի շահագործման տակ բնկած գյուղացիական համայնքը արագ քայքայվում էր, գյուղացուց խլվում էր նրա բերքի մեծ մասը:

Հնդիկ ժողովուրդը բացահայտ զայրույթով էր լսված դեպի եվրոպացի գաղութարարները: Գյուղացիների կողքին երբեմն բռնկվում էին նաև հարուստ հողատերերը: Հսկայական հնարավորությունների տեր կամպանիան հնդկական շուկաներից կամաց-կամաց դուրս էր մղում տեղական առևտրական բուրժուազիային:

Գաղութարարների լուծը հաճելի չէր սեղացի իշխող շրջաններին ևս: Հնդկական բազմաթիվ ռաջաներ, նավարներ և հնդիկ վերնախավի շատ ներկայացուցիչներ նույնպես վրդովված էին գաղութարարների դեմ:

Հայկական փոքրիկ համայնքները, որոնք Հնդկաստանում արտոնություններ ունեին և ազատ էին, Հնդկաստանում անգլիական տիրապետության հաստատումից հետո ընկնում են տնտեսական և իրավական ծանր վիճակի մեջ: Առանձին-առանձին առևտուր անող հայ վաճառականները կամ առանձին փոքրիկ համաքարություններով հանդես եկող հայ արհեստավորները, լինեին այդ համաքարությունները զուտ հայկական թե հնդիկների հետ խառը, անզոր էին դիմադրելու թիկունքում հզոր բանակ ունեցող անգլիական բնկերությանը, որն աշխատում էր իր գաղութն ընդարձակել արշավանքների և արյունահեղ էքսպեդիցիաների միջոցով:

Ակադ. Ա. Կարինյանը, քննության առնելով հնդկահայ համայնքի քայքայման պատճառները, հետևյալ ուշադրավ գիտողությունն է անում. «Հնդկական վաճառականները եղել են գրեթե անվերապես, նույնիսկ բացառապես, արևելյան և հնդկական էքսպորտային առևտրի ներկայացուցիչներ: Հնդկաստանի ներքին շուկաներում հայերը կապված էին տեղական տնտեսության հետ... Հնդկաստանի էքսպորտի կրճատումը կամ անկումը, քայքայելով հնդկական վաղեմի տնտեսությունը, մահացու հարված պիտի հասցներ առաջին հերթին հնդիկ, պարսիկ և հայ վաճառականներին»:

Մահացու այդ հարվածից անմասն չէին մնում, անշուշտ, վաճառականության հետ կապված հազարավոր արհեստավորներ, գործավորներ, ծառայողներ: Դա էր հիմնական պատճառներից մեկը, որ հնդկահայությունը, հնդիկների հետ համատեղ, պայքարի էր դուրս գալիս:

Հնդիկ ազատասեր ժողովուրդը հաճախ էր զենք վերցնում թշնամու դեմ՝ հանուն իր ազատության և անկախության: Նման ապստամբություններից էր ռաջա Շիրադ-Դովլուի ղեկավարությամբ բարձրացած ապստամբությունը, որը ամենակարճ ժամանակամիջոցում ընդունեց հակաանգլիական բնույթ: Ապստամբ հնդիկները գաղութարարներին դուրս բռնեցին Բենգալիայից, որտեղ անգլիական վարչական կենտրոն Կալկաթան այրվեց և գաղութային էքսպեդիցիոն զորքերը ոչնչացվեցին: Սակայն նոր ժամանած անգլիական զորքն ու նավատորմը, աղմիտալ Կալկաթի ղեկավարությամբ, Բոմբեյից շարժվեցին Կալկաթա և արյան մեջ ճնշեցին այս ապստամբությունը: Գաղութային զորքը գրավեց Բենգալիայի բոլոր խոշոր կենտրոնները: Ապստամբության ղեկավար Շիրադ-Դովլուն սպանվեց: Անգլիացիները Բենգալիայի գահը բարձրացրեցին Միր-Ջաֆարին, որ փաստորեն իրենց կամակատարն էր:

1760 թ. անգլիացիների թելադրանքով Միր-Ջաֆարը կնքեց մի պայմանագիր, որով Բենգալիան պարտավորվում էր հատուցելու ապստամբության ժամանակ անգլիացիների կրած վնասները: Այդ վնասների չափը որոշում էին իրենք՝ անգլիացիները: Հնդիկ բնակչությունը այդ պայմանագրով պարտավոր էր նաև վճարելու «24 պարագոն» կոչվող հարկը, որը առաջ հավաքում էին

¹ К. Маркс и Ф. Энгельс, Сочинения, т. IX, էջ 354:

տեղական ֆեոդալները, իսկ Արևելահնդկական ընկերությունը իրավունք էր ստանում առանց որևէ մարտի աշևուր անել Բենգալիայում, Եվ, վերջապես, անգլիացիները իրենց զորքը պետք է պահեին ի հաշիվ հնդիկ բնակչության:

Պայմանագրի կետերի կառուարումը շատ շուտով Միր-Ջաֆարի ֆինանսական ապարատը կանգնեցրեց ճգնաժամի առաջ: Անգլիացիների պարտքերը վճարելու համար ժողովրդից հավաքվող դրամը, որի գումարը հասնում էր 17,7 միլիոն ռուպիի, ինչպես նաև անգլիական գաղութային զորքին կերակրելու հետ կապված ծախսերն ու մյուս հարկերը քայքայեցին երկրի տնտեսությունը: Հնդիկ ժողովրդի պայքարն ավելի սուր բնույթ ստացավ և Բենգալիայում տարբեր հաջողություններով շարունակվեց 1750—1763 թթ: Այդ պայքարին ակտիվորեն մասնակցեցին հայերը:

Բենգալիայի պեպրերը ունեցել են հետևյալ ընթացքը: Միր-Ջաֆարին հաջորդող Միր-Կասիմը (Կասում Ալի) պաշտոնապես Բենգալիայի և Բհարի նավար է հայտարարվում անգլիացիների կողմից 1760 թվականի հուլիսի 20-ին: Ըստ որում, անգլիացիները նախքան նրան պաշտոնապես ճանաչելը, պահանջում են, որ գա իրենց մոտ՝ երգամբ դաշինք կնքելու: Միր-Կասիմը կատարում է անգլիացիների պահանջը. «Մեծ ապստամբությունից երկու տարի» դալիս է Կալկաթա կնքում դադարի պայմանագիր: Այս պայմանագիրը ավելի ծանր պարտավորություններ էր պարունակում, քան Միր-Ջաֆարի կնքած պայմանագիրը: Միր-Կասիմը պարտավորվում է թույլ տալ անգլիացիներին վարելու բոլոր գործերը, Սրենլյան հնդկական կոմպանիային թույլատրում է հավաքել հարկերը՝ կոմպանիայի ծախսերը հոգալու և անգլիական գաղութային զորքերը պահելու ու զինելու համար: Գահ բարձրանալուց անմիջապես հետո, նա անգլիացիներին վճարում է հսկայական մի գումարի գոհարեղեն:

Սակայն անգլիացիներին կատարած զիջումները Միր-Կասիմի կողմից դիվանագիտական մի խորամանկություն էին իշխանության գլուխ տնցնելու և Բենգալիայում ինքնուրույն ամուր պետականություն ստեղծելու համար: Ինչպես կոտանենք, երբ նա հասնում է իր նպատակին, ոչ միայն չի ճանաչում անգլիական գաղութարարների իշխանությունը, այլև զինված պայքարի է դուրս գալիս նրանց դեմ՝ անկախություն և ինքնուրույնություն ձևաբերելու համար:

Գահ բարձրանալուց անմիջապես հետո Միր-Կասիմը առաջին հերթին եռանդուն կերպով ձեռնամուխ է լինում իր բանակի կազմակերպմանը: Այդ պատասխանատու գործը Միր-Կասիմը հանձնարարում է Գրիգոր Հարությունյանին, որը հնդկական և եվրոպական զրահանության մեջ հայտնի է Գեորգի խան անունով:

Գեորգի խանի մասին սկզբնաղբյուրներում բավականաչափ տեղեկություններ են պահպանվել: Հնդկաստանի պատմության նշանավոր մասնագետ անգլիացի Մարշմանը, որը հենվելով սկզբնաղբյուրների վրա, հետևյալ ուղադրավ տեղեկությունն է հաղորդում. «Միր-Կասիմն իր ունեցած արագ հաջողությունների համար գլխավորապես պարտական էր մի հայի, որը ծնվել էր Սպահանում և Արևելքում հայտնի էր Գեորգի խան անունով: Նա սկզբում կտավի վաճառական է եղել Հուլլենդում, բայց երբ նրան վստահվեց պատասխանատու պաշտոն, իսկույն գրեթե անհաղթ նրա արտակարգ հանձարը և հսկայական նախաձեռնությունը: Նա երեք տարուց քիչ ժամանակում կարողանում է ստեղծել 15.000 հեծելազորից և 25.000 հետևակից բաղկացած բանակ, մարզում այն կոմպանիայի բանակի ձևով... Միր-Կասիմը, զգվելով անգլիացիների հարստահարությունից, զորքեր հանեց նրանց դեմ և մի շարք պատերազմներ սկսեց, որոնք մղվում էին մեծ հմտությամբ և համառությամբ: Մեզ համար հետաքրքիր է այն, որ Միր-Կասիմի բանակի հրամանատարը մի հայ էր Գեորգի կամ Գրիգոր խան անունով, որ խելացի, կտրիճ զինվորականի համբավ էր վայելում»:

Գեորգի խանն իր կազմակերպած բանակի հրամանատարների շարքում, հնդիկների կողքին, ընդունում է նաև իր հայրենակիցներին:

Միր-Կասիմը «ընտրեաց իւր զօրապետս և զօրս յազգէս Հայոց, քանզի զօրացեալ և ծաղկեալ էին յոյժ յանմ ժամանակի հայք ի Պանկալայ և ի շրջակայ կողմսնս, որոց զօրութիւն և աներկիւղ քաջութիւն սրտի համբաւեալ էր առ ամենայն հնդիկս: Գլուխ սոցա ամենեցուն էր Կօրկին կամ Գրիգոր խանն, եղբայր մեծի Պետրոս աղային Յարութիւնեան, այրն մեծախորհուրդ կորովամիտ, առոյգ, անձն քաջադասի, քաղցրաբարոյ խնամակալ և սիրելի ամենեցուն: Զսա կացոյց անսարմ Ալին սպարապետ ամենայն զօրաց իւրոց և արար իւր ներքին և մտերիմ խորհրդական

¹ «Մուրճ», 1901, էջ 190:

սակս իմաստուն կառավարութեան մինչև ոչ գործելու ինչ գործս քաղաքականս առանց խորհրդոց չորա...»¹։

Բենգալիայի հնդկական ղորքերի հրամանատարներից հայտնի են հետևյալ հայ զինվորականները։

1. Մարգար-Հովհաննես Քալանթարյան՝ նոր Ջուղայից. Հնդկաստան գալուց առաջ ծառայել է Հոլանդիայում և բացառիկ ընդունակությունների շնորհիվ հասել գեներալի աստիճանի։ Հայտնի հնդիկ պատմաբաններ Սինկխը և Բաներջին ևս «Հայ Մարգարին» իրենց «Հնդկաց պատմության» մեջ հիշում են որպես հնդկական բանակի հրամանատարի։

2. Հարություն Նահապետի Այվազյան՝ նոր Ջուղայից։

3. Գրիգոր Նահապետի Այվազյան՝ նոր Ջուղայից։

4. Պետրոս Աստվածատուրյան՝ Հայաստանի Ադնիկի գյուղից։

5. Մարտիրոս Գրիգորյան՝ մարաղեցի։

6. Ղազար Հակոբյան՝ Ատրպատականի Մարաղա գավառի Ղորա գյուղից։

7. Սուրբաս Ավետիսյան՝ Ատրպատական քաղաքից։

8. Հովհաննես Նազարյան՝ թավրիզեցի։ Սա հանդիսացել է Միր-Կասիմի պահակախմբի պետը։

Հայ հրամանատարների ղեկավարած հնդկական զորամասերի թիվն անցնում էր 10.000 հոգուց։

Միր-Կասիմի բանակում կային հարյուրի չափ ուրիշ հայ զինվորականներ ևս, որոնք հավաքվել էին տարբեր տեղերից։ Նրանցից ոմանք բարձրացան մինչև կապիտանի ու զնդապետի զինվորական աստիճանները։ Խոջամալյանը մի այլ կապակցությամբ հիշում է չորս բարձրաստիճան հայ հրամանատարների անուններ ևս՝ Մկրտիչ-Ջառարիա՝ ղարասուեցի, Մելքոն՝ ասուրախանցի, Նիկոլ չուղայեցի և Հակոբ-Գրիգոր՝ չուղայեցի։

Միր-Կասիմն իր դիրքն ավելի ամրացնելու համար Գեորգու խորհրդով աշխատում է դաշնակից դառնալ Հնդկաստանի թագաժառանգ Ալի Գուհարին, որն իրեն հռչակել էր թագավոր Շահ Ալեմ II անունով. սրա հետ թշնամական փոխհարաբերության մեջ էր գտնվել Միր-Կասիմի նախորդը։

Միր-Կասիմը նավար դառնալուց հետո, Սուրա Բահարում ներկայանում է Հնդկաստանի թագավորին և բարեկամաբար հայտնում նրան իր հպատակությունը։ Նա միաժամանակ խոստանում է աջակցել Ալի Գուհարին՝ հայրենիքի բնդհանուր թշնամիների դեմ նրա պայքարում։ Խոջամալյանը պատմում է, որ Միր-Կասիմը «...արար խաղաղություն ընդ Շահ Ալեմ թագաւորին. զնաց ի սպաս նորա՝ տալով նմա և բազում զանձս, որով և ընկալաւ ի նմանէ հրաման լինիլ ի նմանէ նորա աշխարհապետ երկունց սուրայիցն (նկատի ունի Բենգալիայի և Բհարի շրջանները—ԼՐ. Ա.)»²։ Նա միաժամանակ խոստանում է իր դրամի վրա դրոշմել հնդկական թագավորի պատկերն ու անունը՝ որպես սովերեն իշխանավորի։

Շահ Ալեմ II-ը Միր-Կասիմին պաշտոնապես ճանաչում է Բենգալիայի փաղիշահ, իսկ Հարությունյանին՝ նրա ղորքերի գլխավոր հրամանատար։ Հարությունյանը հնդիկ ժողովրդին մատուցած ծառայությունների համար արժանանում է Ալի Գուհարի հատուկ զնահատականին։

Ժամանակ շահելու և ապստամբելու նպատակով ուժերը մորթիլիզացնելու համար, Գեորգու առաջարկով Միր-Կասիմը շարունակում է թաքուն պահել իր դիրքը և կանոնավոր վճարել անգլիացիներին պատերազմական տուգանք, կատարում է պայմանավորված կետերը, թեպետ այդ բոլորը ծանր զնով, որովհետև անգլիացիները զնալով ավելացնում էին իրենց պահանջները՝ հասցնելով մաքսը մինչև 250.000 ռուպիի։

Տեղացի հնդիկ և հայ զինագործների օգնությամբ Գեորգի խանը կարողանում է տեղում կազմակերպել զենքի արտագրությունը և այդ զենքով զինում է հնդկական բանակը։ Ուշագրություն արժանի է այն փաստը, որ նա պատրաստել է տալիս դարբնոցներ և ձուլում թնդանոթներ։ Մարշմանը, օգտվելով հնդկական աղբյուրներից, այդ մասին գրում է. «(Գեորգը) հրազենք կռեաց անգլիականացն զերագոյնս և մարկեաց զօրականն հրազենածիգ այնպէս, մինչև մարթալ պանծայ նոցա և վաշտս իսկ անգլիացւոց»³։

Հնդկական արքունական դիվանատնից վերցրած վավերագրերի հիման վրա Խոջամալյանն այդ մասին հետևյալն է գրում. «Գորգին ինքնին հնարեաց, թափեաց և պատրաստեաց զամե-

¹ Ա. Գ. Ունց, Աշխարհադրութիւն..., մասն. I, հատ. V, էջ 61—65։

² Թ. Խոջամալյան, Պատմութիւն Հնդկաց..., էջ 73։

³ Տե՛ս «Բաղմավեպ», 1880, էջ 213։

նայն հրազենս պատերազմեաց անկիս և զոչ պակաս քան զեվրոպացիներն՝ Գեորգու կազմակերպած զինանոցներում ձուլվող հրացանը ժամանակին հիացմունք է պատճառել ուս մասնագետներին ու զինվորականներին¹։

Գեորգին ռեֆորմ է մտցնում նաև բանակում։ Նա զորարարական բաժանում է երկու խմբի՝ հետևակի և հեծելախմբի և դասավորում հատուկ ուղեկարգով։ Հարվածային նպատակների համար առանձնացնում է հեծյալ և հետևակ խմբերը։ Առանձնացնում է նաև հատուկ հրետանային գումարտակներ, որոնք հրետադաշտում մեծ վնասներ պատճառեցին անգլիացիներին։ Անգլիացիները, իմիջիայոց, երկար ժամանակ չէին հավատում, որ հնդիկներին հաջողվել է տեղում հրանոթ պատրաստել և որ ռազմագործվող հրետանին ապստամբների պատրաստածն է։

Այլի Գուհարի հետ զաշն կերելուց հետո, Միր-Կասիմը աշխատում է հնազանդության բերել Թհարի անհնազանդ ֆեոդալներին, որը և նրան հաջողվում է։ Անգլիացիների աչքից հեռու գրու-նրվելու և աղառ գործելու համար Միր-Կասիմն իր ղեկավարեցիկ Մաքսուդարադից տեղափոխում է Մունկեր, որը գտնվում էր Գանգեսի ափին, Փաթանայից 40 մղոն հեռավորության վրա։

Միր-Կասիմը, նախքան անգլիացիների դեմ վճռական պայքար սկսելը, հոգ է տանում թի-կունրի ապահովության մասին։ Այդ ժամանակ Բենգալիայի սահմանների վրա վտանգավոր ուժ էին ներկայացնում անգլոֆիլ ռաջաները, որոնք իրենց «ինքնուրույն» էին հռչակել։ Նրանցից առանձնապես վտանգավոր էր ռաջա Սինկիսը, որն ուներ 20.000 հոգուց բաղկացած բանակ։ Կենտրոնախույս այդ ուժերը հնազանդեցնելու և երկրի սահմաններից վտանգը հեռացնելու համար Միր-Կասիմը հյուսիսային սահմանն է ուղարկում մի մեծ բանակ, որը վճռական գրոհներով ջախջախում է ռաջա Սինկիսի զորքերին։

Ռազմական այս գործողությունների ընթացքում հնդկական մի գործախումբ, Գրիգոր Այ-վազյանի ղլխավորությամբ, զաղտնի մոտենում է Ռոտոսի անսուիկ կենտրոն Բարսար քաղաքին և գիշերային հանկարծակի հարձակումով վճռում ճակատամարտի բախտը հօգուտ հնդիկ հայրենասերների։ Բարսարը պաշտպանող կայապետը զենքը ցած է դնում։ Այվազյանի ղլխավորած զորքերը ստիպում են Ռոտոսի ռաջային՝ ճանաչել ապստամբների գերիշխանությունը և ենթարկվել նրան։

Անգլիական զաղութարարները վճռական միջոցների հն գիտնում Բենգալիայում բռնկված ապստամբությունը իր բնում խեղդելու նպատակով։ Նրանք լավ էին հասկանում, որ այն կարող էր վարակիչ լինել ողջ Հնդկաստանի համար։ Անգլիացիները սկսում են լուրեր տարածել այն մասին, որ իբր թե Միր-Կասիմը բռնի է խլել Միր-Ջաֆարից Բենգալիայի օրինական զահր, ուստի և իրենք ցանկանում են պատժել Միր-Կասիմին։ Այդ պատրվակով նրանք խոշոր զորամասեր են կենտրոնացնում Բենգալիայի հարավային սահմանի վրա։ Բենգալիայի ազատության համար պայքարող հնդկական մի զորախումբ, Գեորգի խանի հրամանով, շարժվում է հարավ կասեցնելու անգլիական զորքերի առաջխաղացումը։

Հնդկական ապստամբ զորքերը, տեղացի հնդիկ բնակչության գործուն օգնությամբ, ռազմական վճռական գործողություններ են սկսում բրիտանական զորքերի դեմ, ջախջախում Բենգալիայի հարավային շրջաններում եղած գաղութարարների զինվորական կենտրոնացումները և նրանց մնացորդները դուրս բերում երկրից։

Այս կռիվներին մասնակցում էին նաև ուրիշ հայ զորահրամանատարներ։ Նրանցից աչքի է ընկնում առանձնապես հազարապետ Հարություն Մարդարյանը իր հնդիկ հեծյալներով։ Սրա զորամասին հաջողվում է շրջապատել և ոչնչացնել Մուրշիդաբադ քաղաքի և նրա շրջակայքի անգլիական կայազորը և ազատել քաղաքը թշնամուց։ Հայ հրամանատարն իր ցուցաբերած քաջագործության և հմուտ ղեկավարության համար, նավարի հատուկ կարգադրությամբ, նշանակվում է Բենգալիայի հարավային սահմանների զորքերի հրամանատար։

Արևմուտքից Բենգալիային սպառնում էին Թամգարի, Չոթա Նագաիուդի և նրանց մոտիկ շրջանների ռաջաները, որոնք գործում էին անգլիացիների թելադրանքով։ Նրանց դեմ ուղարկվում է Բենգալիայի մի այլ գումարտակ, որի հրամանատարների թվումն էին նաև Մարդար Հովհաննիսյանը և Ղադար Հակոբյանը։ Նրանք ջարդում են թշնամարար տրամադրված նավարների ուժերը և ստիպում հանձնվել։ Բնդհանուր հաղթանակից հետո հեռացվում է անգլիական պաշտոններությունը և կառավարիչներ են նշանակվում տեղացի բանիմաց և հայրենասեր հնդիկները։

¹ Ուոլթոն, Պատմություն Հնդկաց, էջ 80։

² Նույն տեղում։

Բենգալիայի հնդկական բանակի հրամանատարությունն այնուհետև որոշում է դուրս գալ անգլիացիների թիկունքը և ստրատեգիական կարևոր դիրքեր գրավել: Այդ նպատակով Գեորգին զալիս է Սունկեր, ուր նրան սպասում էր նավարկ իր թիկնապահ զորքերով: Այստեղ առաջին անգամ հրապարակավ Բենգալիան հռչակվում է անկախ, ինքնուրույն իշխանություն և Միր-Կասիմը պաշտոնապես հրաժարվում է անգլիացիների նկատմամբ ունեցած իր բոլոր պարտավորություններից: Դա տեղի է ունենում 1760 թվականի աշնանը:

Ուշադրության արժանի է այն մեծ վստահությունը, որ այդ օրերին տածել է Միր-Կասիմը հայերի նկատմամբ: Նա իր թիկնապահ զորամասի հրամանատար է նշանակում մի հայի՝ Պետրոս Աստվածատրյանին: «Հազարապետն Պետրոս Աստվածատրեան իւրովք զնդովք պահապան էր Կասիմալի խանին»¹:

Բենգալիայի ազատագրման գործում Գեորգի խանի և մյուս հայերի կատարած աշխատանքի շնորհիվ, գրում է Խոջամալյանը, նրանց անունները «օր աւուր պայծառանայր անուն նորա ընդ ամենայն տեղիս... ազգն Հայոց ճոխանալով, քաջանալով, ամենայն բարութիւնս առնելով ի շինութեանն աշխարհին»²:

Անգլիացիների համար ստեղծվում է աննպաստ իրադրություն, ուստի և նրանք ժամանակավորապես դադարեցնում են հարձակումը Բենգալիայի վրա, նպատակ ունենալով նոր զորքեր և անգլիացիները Կալկաթա և ավելի լավ նախապատրաստվել ընդհանուր հարձակման: Համեմատաբար խաղաղ երեք տարիների ընթացքում հսկայական աշխատանք է կատարվում Բենգալիայում: Գաղութային շահագործումից ու արշավանքներից տուժած և քայքայված երկրի տնտեսությունը վերականգնելու համար, Միր-Կասիմը, Գեորգի խանի խորհրդով, կատարում է մի շարք կարևոր ռեֆորմներ: Առաջին հերթին հատուկ հրամանով նա վերացնում է առևտրական մարսերը թե ծովի և թե ցամաքի վրա: Դրանից առաջ, փաղիշահի ֆերմանի համաձայն, նման արտոնություն վայելում էր միայն կոմպանիան, ըստ սրում, օտար վաճառականներին անցաթղթեր էին տալիս անգլիացիները: Այդ անցաթղթերը, որոնք կոչվում էին «դաստակ», շուտով սկսեցին շարաշահվել անգլիացիների կողմից: Նրանք այդ անցաթղթերը վաճառում էին հնդիկ վաճառականներին: Ստացվեց այնպես, որ հնդիկներն իրենց տեղիտորիայում առևտուր անելու համար պետք է ունենային անգլիական արտոնություն:

Միր-Կասիմի հրամանով վերացվում են ամեն տեսակ արգելքները նրա այս քայլը ծանր հարված էր անգլիական գաղութարարներին, առաջին հերթին՝ կոմպանիային: Անգլիացիները էսրցնում էին Հնդկաստանի ամենից հարուստ մասի առևտրի մենաշնորհը:

Գաղութարարները փորձում են խանգարել այս քաղաքականության կենսագործումը: Նրանք պանդան ճանապարհներով աշխատում են համոզել նավարին, թե նա գուր է լսում Գեորգի խանին և զրկվում մեծ եկամուտներից: Խորհուրդ են տալիս նորից մարսեր նշանակել: Միր-Կասիմը պատասխանում է. «Վասն շինութեան և հարստութեան աշխարհի իմում արարի զայդ (այսինքն՝ մարսերի վերացումը—Իր. Ա.) և այժմ չէ ինձ իրաւունս դառնալ յետս յիմոց սահմանադրութեանց»³:

Հետաքրքիր է այն փաստը, որ կոմպանիան նույնպես ազատված էր Բենգալիայում առևտրամարս վճարելու պարտականությունից: Սակայն, երբ կոմպանիայի ղեկավարները խորհուրդ են տալիս նավարին վերացնել առևտրամարսերի վերաբերյալ հրամանը, նա պատասխանում է. «Դուք սկսեալ էիք առնուլ զհարկս վաճառաց, որով րազումք ի պատճառս վնասու ոչ զային յերկրի իմում վաճառականութիւն առնել, այսու աղաղաւ ևս բարձի զամենայն հարկն, զի եկեացին գնել և ե վաճառել, որով լիցի շինութիւն յաշխարհի իմում»⁴:

Օգտվելով առիթից, նավարը հատուկ կարգադրությամբ մարս է նշանակում կոմպանիայի ապրանքների վրա, ասելով. «Որովհետև կամքն ձեր այդպէս է, ուրեմն հաստատուն կացէք ի վերայ դաշանց ձերոց և տուր ինձ զհարկս վաճառաց ձերոց որպէս կանոն է»⁵:

Անգլիացիները շուտով մի պատգամավորություն են ուղարկում Միր-Կասիմի հետ բանակցելու համար: Միր-Կասիմը ընդունում է անգլիական պատգամավորներին և բանակցում նրանց

¹ Խոջամալյան, Պատմութիւն Հնդկաց, էջ 85:

² Նույն տեղում, էջ 86:

³ Նույն տեղում:

⁴ Նույն տեղում, էջ 87:

⁵ Նույն տեղում:

հետ որպես հավասար կողմի: Չնայած անգլիական պատգամավորները դիմում են ամեն տեսակ սպառնալիքների և ահաբեկումների, սակայն Միր-Կասիմը ոչ մի զիջում չի անում:

Շուտով պարզվում է, որ անգլիացիները նպատակ ունեն բանակցությունները ձգձգել, թուլացնել հնդիկների զգոնությունը և հանկարծակի հարձակումով գրավել Բենգալիան: Սակայն նրանց այդ դավադրությունը բացվում է: Գեորգի խանի հետախույզները ձերբակալում են անգլիական նամակատարներին և ծածկադրված («թուարանութեամբ դրեալ») նամակները հաս-
 ւելնում հրամանատարին: Վերծանությունից պարզվում է, որ այդ նամակով անգլիական հրա-
 մանատարությունը Բհարի և նրա շրջապատի անգլիական մի քանի հազարանոց կայազորների հրամանատար Իսիլին կարգապարհում է շարժվել և հանկարծակի հարձակումով գրավել Փաթանա ամրոցը:

Անգլիական գաղութարարների խարդախ նպատակների պարզվելուց հետո, Միր-Կասիմը և Գեորգի խանը հասկանում են, որ կանգնած են պատերազմի սպառնալիքի առջև, ուստի սկսում են վճռական միջոցներ ձեռնարկել անգլիական տգրեխալին դիմադրելու համար:

Գեորգի խանը կարգապարհում է հենց ճանապարհին ձերբակալել պատվիրակության անդամ-
 ներին և շթողնել նրանց Կալկաթա վերադառնալու հուղարկության ժամանակ նրանց մոտ հայտ-
 նաբերվում է մոտ տասը ծրար՝ ծածկադրված նամակներով, որոնք ուղղված էին իրենց դաշնակից անգլոֆիլ ռաջաներին ու անգլիական զորքերի հրամանատարներին և առաջարկում էին անմի-
 ջապես պատերազմական դործողություններ սկսել հնդիկների դեմ: Գեորգին հատուկ հսկողության տակ է առնում պատվիրակության ղեկավար էմինեթին: Վերջինս փախուստի փորձ անելու ժա-
 մանակ զնդակահարվում է հնդկական սահակագործի կողմից:

Այս զեպրերից հետո Գեորգի խանը պաշտոնի նամակով զգուշացնում է Մաքսուդաբադի և մյուս սահմանապահ զորքերի հրամանատարներին՝ անգլիական զորքերի հնարավոր հարձակման մասին և կարգադրում ուժեղացնել սահմանապահ կայազորները գաղութարարներին սահմանա-
 կից շրջաններում: Ապահովելով թիկունքը, Գեորգի խանը Մաքսուդաբադի կառավարիչ Մահ-
 մադ խանի տրամադրության տակ է դնում լավ վարժված մի մեծ զորամաս, որը միանալով նրա զորքերին, փակում է Կալկաթայից եկող բոլոր ուղիները:

Անգլիացիները, օգտվելով հարմար առիթից, ֆակտորիայի ղեկավար էլլիսի ղեկավարու-
 թյամբ, զորքեր են հանում և շրջապատում թույլ պաշտպանված Փաթանան: Մենդի Ղուլի խանի ղեկավարությամբ ամրոցը պաշտպանող հնդկական կայազորը անկարող է գտնվում երկար դի-
 մադրելու թշնամու ուժերին և թողնում է ամրոցը: Անգլիացիները մտնում են ամրոց և դաժան հաշվահարդար տեսնում հնդիկ հայրենասերներին հետ:

Անգլիացիների այս հաջողությունն անսկնկալի չի բերում հնդիկներին: Կալ գինված երկու գունդ հեծելազոր է ուղարկվում Փաթանան գրաված անգլիացիների դեմ՝ հազարապետներ Մար-
 դարի և Ղադարի հրամանատարությամբ: Սրանք արագ երթով շարժվում են դեպի Փաթանա, շրջապատում ամրոցը և սկսում գրոհը: Փաթանայի վրա արևելյան դարպասի ուղղությամբ դրո-
 հող հնդկական զորքերի գումարտակը ղեկավարում է հապարապետ Մարգարը: Այդ գումար-
 տակի կազմում էր գտնվում հայկական ջոկատը: Չնայած անգլիացիներն իրենց հիմնական ուժերը դասավորել էին այս ուղղությամբ, հնդիկ և հայ զինվորները շեշտակի գրոհներով կոտ-
 րում են անգլիացիների դիմադրությունն ու մտնում քաղաք: Անգլիացիներն իրենց զորքերի մնացորդները քաշում են և ամրանում քաղաքի հյուսիս-արևելքում գտնվող միջնաբերդում, ապա՝ «անճարացեալ մնացելոցն սկսան փախչիլ և գնալ»¹:

Փաթանան անգլիացիներից ազատագրելուց հետո, հնդիկները հավաքում են սպանվածնե-
 րին ու թաղում: Նրանք օգնում են վիրավորներին, գերի վերցրած հնդիկ զինվորներին բաց թողնում տները, ապա անգլիացիներին հետապնդելով՝ շարժվում դեպի նրանց ամրությունները: Գեորգի խանը թշնամուն հետապնդող հնդկական զորքերի կենտրոնից օգնության է ուղար-
 կում դաշնակից Մենդի Ղուլի խանին՝ իր զորամասերով: Սակայն Մարդարը, որը նավարի հրա-
 մանով նշանակվել էր այդ զորամասի գլխավոր հրամանատար, Մենդի Ղուլու զորքերին հանձ-
 նարարում է Փաթանայի պաշտպանությունը, իսկ ինքը շարունակում է թշնամու հետապնդումը:

Փաթանայի ճակատամարտում մեծ քաջություն է ցուցաբերում հայ հրամանատար Մար-
 դարը: Միր-Կասիմը բարձր գնահատելով նրա և նրա ղեկավարած հայկական ջոկատի մատու-
 ցած ծառայությունները, նրան շնորհում է մագիստրական՝ իշխանական կոչում և ուղարկում մեծարժեք նվերներ և մեկ փիղ²: Փաթանայի այս դեպքերի մասին խոսելիս Սինկլսը և Բաներ-

¹ Խ ո ջ ա մ ա լ յ ա ն, Պատմություն Հնդկաց, էջ 96:

² Նույն աեղում:

շին գրում են. «Փաթանայի գեպերը ունեցան վճռական շրջադարձ, որի ժամանակ էլլիսը ջախ-բախվեց»¹:

Փաթանայի գեպերից հետո ազատագրական պայքարը ավելի մեծ թափ է ստանում: Օկուպացված տերիտորիաներում հնդիկ գյուղացիները, բաղաբային բնակչությունը, արհեստավորությունը ապստամբում են անգլիական իշխանությունների դեմ, հարձակվում անգլիական ֆակտորիաների վրա և բռնագրավում նրանց ապրանքները: Նրանք հաճախ համարձակ հարձակումներ են կատարում անգլիական զորամասերի վրա, գինվում ձեռք բերված զենքով և միանում հնդիկ բանակին: Այս բոլորը մեծապես ոգնում է Բենգալիայի հնդիկ զորքերին և հեշտացնում նրանց ոսգմական գործողությունները:

Էլլիսի ջախջախումից հետո Միր-Կասիմը հրամայում է Մարգարին չղաղարեցնել անգլիացիների հետապնդումը և դուրս թշել նրանց Բենգալիայի սահմաններից: Ստանալով այդ հրամանը, Մարգարն իր զորամասերով «ընդ հրացանիս և ընդ բռնիք» երկու օրվա հետապնդումից հետո մոտենում է Բիրանա ամրոցին՝ նախօրոք ոչնչացնելով ամրոցի շրջապատի անգլիական ֆակտորիաները պաշտպանող փոքրիկ զորախմբերը: Հնդիկ հայրենասերները շրջապատում են ամրոցը և սկսում դրոհել: Հնդկական զորքի հարձակմանը զուգորդում է ամրոցի հնդիկ բնակչության ապստամբությունը: Անգլիական հրամանատարությունը տեսնելով, որ կրկնվում է Փաթանայի ողբերգությունը, բացում է ամրոցից դեպի գետը տանող գաղտնի դուռերը և նավերով փախչում: Քաղաքը գրաված հնդկական զորամասերի ձեռքն է ընկնում հսկայական ռազմավար և հարստություն:

Հերոսական այս օրերին հնդիկ հայրենասերներն այնքան բարձր են գնահատել հայերի շնորհը, որ Մարսուղարադում և մյուս քաղաքներում տարած հաղթանակից հետո, հնդկական դրոշակի հետ միասին, ի պատիվ իրենց փորրաթիվ դաշնակցի բարձրացվել է նաև հայկական դրոշակը²:

Նրկորդ խոշոր հաղթանակից հետո, երբ նահանջող անգլիական զորամասերը կորցնում են իրենց մարտունակությունը, Միր-Կասիմը և Գեորգին հանձնարարում են Մարգարին շարունակել հետապնդումը և բաց ճակատամարտում ջարդել անգլիացիներին: Թշնամին հասկանալով հրեղիկների մտադրությունը՝ փախչում է պատերազմելով: Նրանք խույս են տալիս ճակատամարտից, լավ հասկանալով, որ իրենց հոգնած և արյունաքամ դուրք անկարող կլինի շատ թե թիշ լուրջ դիմադրություն ցույց տալ հնդիկներին:

Գեորգին իր նախագիծը իրականացնելու համար կարգադրում է Մունկերի զորքերի հրամանատարներ Գր. Այվազյանին և Հաջիփուտի աջա ներդրամ Ճողրին՝ իրենց զորամասերով օգնության շտապել թշնամուն հետապնդող բանակին և կտրել նահանջող թշնամու ճանապարհը: Օգնության շտապող զորքերի հրամանատարների մեջ լինում են երեք հայեր՝ Մկրտիչ Զաքարիա (Նոր Զուղայից), Մելրում (աստրախանցի) և Նիկողայոս (երևանցի): Հնդկական այս զորախմբի զորքերը երկու օրվա ընթացքում հաջողությամբ անցնում են Գանգեսը և հաջորդ օրը լուսաբացին հանկարծակի գրոհում անգլիական նահանջող բանակի վրա: Տեղի է ունենում ճակատամարտ: Արցանի մեջ ընկած անգլիացիները չեն կարողանում երկար դիմադրել և զենքը ցած են դնում: Այս ճակատամարտում սպանվում են բավական թվով անգլիացիներ, այդ թվում նաև զորամասի հրամանատարը³:

Գանգեսի ափին տեղի ունեցած այս ճակատամարտից հետո, Միր-Կասիմը հատուկ հրովարտակով անգլիացիներին հայտարարում է Հնդկաստանի թշնամիներ և հանձնարարում իր բաղաժառանգներին՝ անգլիացու հանդիպելիս ձեռքակալել ու հանձնել կառավարությանը:

Հնդիկները անգլիացիներից մարդում են պրեթև ամրողջ Բենգալիան, բացառությամբ Կալկաթայի, Զաթիգամի և Բարդվանի:

Չկարողանալով բաց ճակատամարտում հաղթել հնդիկներին, անգլիացիները դիմում են խարդախ միջոցների. նրանք փորձում են կաշառել Գեորգի խանին և մեծամեծ խոստումներ անելով առաջարկում են անցնել իրենց կողմը: Սակայն Գեորգին մերժում է այդ ստոր առաջարկը և պատասխանում, որ մինչև իր մահը հավատարիմ է մնալու հնդիկներին:

Այս անգամ անգլիացիները, Գեորգի խանին և մյուս հայ հրամանատարներին շարքից հանելու նպատակով, փորձում են զանազան ստոր ճանապարհներով նրանց ամբաստանել Միր-

¹ II. K. Сниха и А. Ч. Банерджи. История Индии, Москва, էջ 309:

² Խոջամալյան, Պատմութիւն Հնդկաց, էջ 97:

³ Նույն տեղում:

Պատիմի առաջ, սակայն նախորդ «գնոսա չարախոսությունն մերժել և զհայս արդարացուցանելը», պատասխանելով, որ «նոցա տարրը և դործը են իմ արարք և գործք»¹։

Փորրիկ դադարից հետո, երբ անդլիացիները կարգի են բերում իրենց ռազմական ուժերը, նորից առաջ են քաշում Միր-Ջաֆարին դահր վերադարձնելու հարցը և նրան դահր քաղաքացնելու նպատակով 6000-անոց մի բանակ ձեռնարկելու մեջ են և առաքել են հնդիկների վրա։ Հնդկական հրամանատարությունը լավ իմանալով, որ գաղութարարները հեշտ չեն զիջի իրենց դիրքերը և նոր հարձակման են դիմելու, նախապատրաստվում են դիմադրություն։ Միր-Կասիմն ու Գեորգին մինչ այդ պաշտպանվել էին կնքել մի քանի հայրենասեր հնդիկ ռաջաների հետ՝ ընդհանուր թշնամու դեմ համատեղ պայքարելու համար։ Այդ ռաջաները իրենց գործերը դրել էին Գեորգի խանի ընդհանուր հրամանատարության տակ։

6000-անոց անգլիական բանակը ռազմական երթով շարժվում է Քենգալիայի վրա՝ նպատակ ունենալով նորից գահ բարձրացնել իրենց կամակատար Միր-Ջաֆար խանին։ Սակայն կես ճանապարհին գաղութարարների վրա են հարձակվում Գեորգու ղաջնակիցներ Մարսուդաբադի ռաջա Սեիդ Մահմադ խանի զինվորներն ու Քիրանայի քաղաքացիները։ Մահմադ Թագի հեծյալները և ջարդելով նրանց, փախուստի են մատնում։ Հետապնդման ժամանակ, ղեկավարությամբ, սրանք ընկնում են տղմուտի մեջ և հանդիպելով անգլիական թվարժուկներին, նահանջում են։

Այնուհետև անգլիացիները համալրելով իրենց ուժերը անցնում են հակադրոհներին Զգալով մոտեցող վտանգը, Գեորգի խանը կալկաթայից եկող ճանապարհների ուղղությամբ դասավորում է իր հիմնական ուժերը և սպասում թշնամուն՝ ճակատամարտ տալու համար։ «Յորժամ լուսն կասումալի խանն, Գորգի խան թէ ազգն ինկիզաց պատրաստեալ զօրօք զան ի վերայ իւրեանց ի պատերազմել, վաղվադակի իւրեանք ևս ժողովեցին զզօրս իւրեանց յամենայն կողմանց»²։

Այս ճակատ ուժեղացնելու նպատակով Գեորգին մի քանի նոր զորամասեր է տեղափոխում անգլիացիների դեմ։ Տեղափոխված հնդկական զորամասերի թվում էին նաև Մարգար Բալան-թարյանի և Ղազար Հակոբյանի զորագնդերը։ Հյուսիսային սահմանների պաշտպանությունը այս ծանր օրերին դրված էր Գեորգու Այվազյանի զորամասերի վրա։

Գեորգի խանը, Միր-Կասիմը անգլիացիների դեմ գործող բանակի հրամանատար է նշանակում կասկածելի մի մարդու՝ ոմն Սմուրի, որը հնդկական պատմագրության մեջ ճանաչված է որպես բախտախնդիր մի անձնավորություն։ Գեորգի խանը մնում է բանակի ընդհանուր հրամանատար։

Հայ պատմիչը վշտով է պատմում, թե ինչ բացասական ազդեցություն ունեցավ Գեորգու բացակայությունը գործող բանակում։ Երբ հրամանատարները լսեցին, պատմում է նա, որ ճակատամարտը ղեկավարելու է Սմուրը «...կիսասիրտ և տխրությամբ գնացին զնոք իւրեանց ի պատերազմ...»։ Ըստ հայկական աղբյուրի վկայության, հնդկական բանակը, կազմված 21.000 զինվորից, Սմուրի ղեկավարությամբ ռազմական երթով շարժվում է և դիրքեր գրավում Սոնթաղարա կոչվող գաղտնավայրում, Գանգեսի վտակներից մեկի ափին։ Այստեղ հնդկական զորքերին են միանում ղաջնակից Սեիդ Մահմադ խանի զորամասերը։

Այս ճակատամարտին իրենց գործերով մասնակցել են նաև հայ հրամանատարներ Մարգար Բալանթարյանը, Հարություն Մարգարը և Ղազար Հակոբյանը։ Սմուրի կարգադրությամբ նրանց զորամասերը դիրքեր են գրավում հետևյալ դասավորությամբ. «... յարեմտեան կողմն հեղեղատին զբանակն հազարապետին Յարութինի, չորս բենեկօք եւ ի մէջ հարաւ և արեմտ տակաւ ինչ հեռի ի նմանէ բնակեցոյց զբանակն հազարապետին Մարդարայ ութն բենեկօք և ի մէջ հարաւ և արեմտ բնակեցոյց զբանակն Ղազարայ չորս բենեկօք...»³։

Մինչ Սմուրը զբաղված էր զորքերը դասավորելով, անգլիացիներն անցնում են գետը և հարձակվում հազարապետ։ Ղազար Հակոբյանի զորամասերի վրա «Տեսեալ այս քաջին Մարգարայ, փութով առաքեաց զզօրս իւր յօգնութիւս նորա»⁴։ Երկու հայ հրամանատարները իրենց հնդիկ զինվորներով ոչ միայն կարողանում են դիմադրել թշնամուն, այլև իրենք են անցնում հակադրոհի և անգլիացիներին հետ շարժում։ «...ինկիզացն քաջութեանց Հայոց ի փորձառու գոլով իսկ՝ թողին զնոսա ի բաց և չոգան պատերազմ ընդ սպարապետն Սմուրայ»⁵։

¹ Խոջա մալյան, Պատմութիւն Հնդկաց, էջ 99։

² Նույն տեղում, էջ 103։

³ Նույն տեղում, էջ 104։

⁴ Նույն տեղում։

⁵ Նույն տեղում։

Անգլիացիները տեսնելով, որ թեկից կատարվող գրոհը տապալվեց, իրենց հարվածն ուղղում են կենտրոնի վրա, որը սկսում է Նահանջել: Չկարողանալով ճկուն տեղաշարժներ կատարել, Սմուրը հրամայում է Հակաբյանին՝ զորքերը պահել իրենց դիրքում՝ վախենալով թեկից եկող նոր գրոհից: Այսպիսով, զորքերի մի մասը մատնվում է անշարժության և զրկվում ճակատամարտին մասնակցելու հնարավորությունից: Սմուրի այսպիսի անշնորհքության հետևանքով «...զորք քաջացն Հայոց կանգնեալ կան և ոչ պատերազմին»¹:

Ապաշնորհ Սմուրը ճակատամարտը ղեկավարելու և ճեղքվածքը փակելու փոխարեն, փախչում է: Հնդկական զորքը, մնալով առանց հրամանատարի, սկսում է անկանոն նահանջել՝ «Բռնկելու և հարիւրապետք Հայոց ջանսոցան քաջսլերել զգունդս սպարապետին իւրեանց, բայց չեղև հնար»:

Սմուրի զորամասի փախուստից հետո, անգլիացիներն իրենց հարվածները դարձնում են Մարգարի զորագնդի վրա, բայց «արին և նախանձայոյզ հազարապետն Ղազար իրովը գնդօրէշ չոգաւ և միացաւ ընդ հազարապետին Մարգարայ: Եւ արարին պատերազմ սաստիկ ընդ ինկլիզայ ժամս իրրև վեց, փախուցանելով զնոսա մինչև կամուրջ հեղեղատին»²:

Երբ ցրված և հոգնած հնդկական զորքը վերադառնում էր իր դիրքերը, զինվորները նկատում են Սմուրի ռազմադրոշով իրենց մոտեցող մի մեծ զորախմբի և կարծելով, թե դա հնդկական բանակի նահանջած զորախումբն է, որ վերադասավորվելուց հետո չորից գալիս է ճակատամարտի վայրը, մոտ են թողնում: Պարզվում է, որ դա անգլիական բանակի մի զորամասն է, որը վերադառնում է հետապնդումից: Հոգնած հնդիկները չեն կարողանում երկար դիմագրել երկու կողմից գրոհող անգլիական զորամասերին և մեծ կորուստներ տալով նահանջում են:

Այս անհաջող ճակատամարտից հետո Գեորգի խանին հանձնարարվում է շտապ դասավորել ուժերը: Նա Ռաջմահալի մոտ նահանջած զորամասերը համալրում է թարմ ուժերով և պատրաստվում նոր ճակատամարտի: Սակայն այս անգամ էլ նավարը նրան չի թողնում ղեկավարելու ճակատամարտը, այլ հանձնարարում է Սմուրին:

Գեորգի խանի վերակազմավորված զորքերը Սմուրը դասավորում է Գանգեսի ափին, Բիրբունսա անտառի մոտ այնպես, որ հայ հրամանատարները պաշտպանում են նրա առջևի ձախ թևերը: Նրանց գնդերը համալրվել էին Սեիդ Մահմադ խանի և օգնության եկած Նջիրխան ռաջալի 6 000 անոց զորքով «մեծի մասամբ հեծյալ»³: Գետանցքի դիրքերը պահպանում էր այդ նպատակով Մունկերից տեղափոխված Պետրոս Զուղայեցու գունդը՝ իր հրետանիով: Ծակատամարտի ժամանակ հնդկական զորքերը, Մարգար Քալանթարյանի ղեկավարությամբ, անցնում են հակադրոհի, խորանում թշնամու զորաշարքերի մեջ և փախուստի մատնում նրանց: Ծակատամարտը շարունակվում է չորս ժամ: Կլայվի վկայությամբ, անկարելի էր ավելի լավ կռվել, քան այստեղ կռվում էր նավարի բանակը: Գործողության ընթացքում նրանք նույնիսկ թափանցում են անգլիական պաշտպանական դիրք և գրավում նրանց երկու թնդանոթը: «Հաղթանակը թվում էր հավանական»³: Սակայն շուտով սպառվում է հնդկական կովող զորամասերի ռազմամթերքը: Սմուրը զինամթերք և օժանդակ ուժ ուղարկելու փոխարեն, շրջապատման վտանգի պատճառով թափանցում է կանչում զորքը: Նավարը կատարում է անթույլատրելի մի այլ սխալ ևս. բնդառաջելով Սմուրի դիմումին, ազատում է Մունկերի բանտում պահվող, Փաթանայի և մյուս ճակատամարտերի ժամանակ գերի վերցված անգլիացի, գերմանացի և ֆրանսիացի հրամանատարներին և ուղարկում նրա հրամանատարության տակ: Օտարազգի այս հրամանատարները լինելով ռազմաճակատում և ծանոթանալով հնդկական զորքի ռազմական գաղտնիքներն, հաջորդ օրն իսկ դավաճանում և անցնում են անգլիացիների կողմը:

Անգլիացիները փախստականներից խմանալով հնդկական զորքերի դիրքերի դասավորությունը, սկսում են ռազմական վճռական գործողություններ: Խոջամալյանի վկայությամբ, անգլիացիները դիմում են խորամանկության. նրանց մի զորամասը ծպտված, հնդկական բանակի հագուստով, գալիս է հնդկական բանակի պարեկի մոտ և ներկայանում որպես «...ի պահապանաց Մարգարայ, որը գնացար շրջել ընդ բանակին ինկլիսաց առ ի լրտեսութիւն ի պարագայից նոցա...»: Նրանք շարքից հանում են պարեկին և մոտենալով Քալանթարյանի ղեկավարած զորամասի դիրքերին «կրակ են բացում հնդիկների վրա, մինչ սրաւք կկարողանային «հնչեցուցանել զփողն և հարկանել զթմբուկս պատերազմին և պատրաստել ի ռազմն»³: Հարկան դիրքերում

¹ Թ. Ա. Արրահամյան, Պատմութիւն Հնդկաց, էջ 105:

² Նույն տեղում, էջ 106:

³ «Բազմավեպ», 1880, էջ 243:

դտնվող չղզարեցի կոշվող հնդկական զորամասերը սխալմամբ կրակ են բացում այս զորամասի վրա: Չնայած ծանր կացությանը, հնդիկները կատաղի դիմադրություն են ցույց տալիս: Մինչև չղզարիները կիմանային իրենց սխալը և զենքը շուտ կտալին իսկական թշնամու վրա, անգլիական զերակշիռ ուժերը անցնում են հարձակման և ջարդելով նրանց դիմադրությունը, փախուստի են մատնում նրանց: Սմուրը տեսնելով այս ծանր վիճակը, փախչում է ռազմի դաշտից, թշնամու ձեռքին թողնելով բանակի դրոշմը: Մարգարը տեսնելով այդ, ինքը ևս նահանջում է Մունկեր:

Գեորգին խիստ է վարվում պարտված զորարանակի հրամանատարության հետ. նրանցից շատերին պատվազուրկ է անում և հեռացնում պաշտոնից: Նա նույն խստությամբ է վարվում նաև իր այն հայրենակիցների հետ, որոնք չէին արդարացրել իրենց այս ճակատամարտում: Ստեղծված ծանր դրությունից դուրս գալու համար, Միր-Կասիմը և Գեորգի խանը որոշում են իրենց զորքերը հետ բաշել Ռոտտսգարա ամրոցը, նոր զորք հավաքել մարաթներից և կրկին ստալ պատերազմ ընդ ինկլիզացի:

Մունկերում թողնելով մի փոքրիկ կայազոր զնդապետներ Պետրոս Աստվածատրյանի և հազար Հակոբյանի հրամանատարության տակ, Միր-Կասիմը և Գեորգին իրենց զորքերը շարժում են դեպի Փաթանա, այնտեղից էլ՝ Ռոտտսգարա ամրոցը: Ծանապարհին նրանք զորքերին հանդիստ տալու նպատակով կանդ են առնում Տելլիփուռ գետի ափին: Այստեղ, կանդառի հաջորդ գիշերը, երբ Գեորգին իր երեք թիկնապահներով շրջում է իր բանակատեղիում, անգլիական իրազործում են իրենց ստոր դավերից մեկը՝ սպանել են տալիս Գեորգի խանին:

Բարձրացած աղմուկի վրա զորքը աբթնանում է և իմանալով բանի էությունը, շրջապատում է դավադիրներին ու սրախողխող անում բոլորին, բացառությամբ մեկի, որին հաջողվում է փախչել: Մահամեթ վիրավոր Գեորգուն տեղափոխում են նավարի վրանը: Ըստ խոջամալյանի վկայության, Միր-Կասիմը «արտասուլից աչք լար և աչք, եղբայր, գիտե՞ր ոչ լուար ինձ, քանից սլատուիրեցի քեզ, թէ առանց պահապանաց աստ անդ մի շրջեր»¹:

Թիշկների օգնությունն ապարդյուն է անցնում. 1763 թվականի օգոստոսի 11-ին վախճանվում է Գեորգին: Միր-Կասիմը անգլիացիների դավադրությունից զայրացած, իր հրամանատարի վրեժը առնելու համար կարգադրում է սպանել երկրի բանտերում պահվող գերի ընկած բոլոր անգլիացիներին:

Հնդիկ հայրենասերները կորցնելով իրենց հրամանատարին, զենքը վայր չեն դնում, այլ շարունակում են իրենց հերոսական պայքարը անգլիացիների դեմ: Սակայն այժմ Միր-Կասիմը գտնվում էր ավելի ծանր դրության մեջ, քանի որ նրա դեմ սկսել էին գործել նաև անգլիացիներին համակիր նավարների ուժերը: Անգլիական ռազմական խոշոր ուժերը, որոնք արդեն անցել էին վճռական գործողությունների, մտնում են երկրի խորքերը: Նրանք գրավում են Բեն-դալիայի քաղաքներն ու ամրոցները և մի քանի արյունոտ ճակատամարտերից հետո շրջապատում Փաթանան:

Նախքան հարձակման անցնելը անգլիական բանակի հրամանատարությունը դիմում է շրջապատված հնդկական ամրոցի կայապետի հրամանատար Պետրոս Աստվածատրյանին և պահանջում՝ «...դի հանձնեսցէ ինքեանց զամրոցնս: Վերջինս հրաժարվում է: Ինք օրվա կատաղի կռիվները ոչ մի արդյունք չեն տալիս: Անգլիացիները ամրոցի հրամանատարի մոտ պատվիրակ են ուղարկում Բենդալիայի նախկին նավար Ջաֆար Ալի խանին, ասելով նրանց. «Ընդհե՛ր պատերազմես ընդ մեզ և ոչ իջանես յանձնել զամրոցդ, որո՞շ յուսով, մի՞թէ ոչ գիտես կամ ոչ լուար տակաւին զմահ Գորգին խանի»: Սպասումը ուժերը հրաժարվում են հանձնվել, շարունակելով պայքարը: Սակայն շորս կողմից շրջապատված քաղաքը ընկնում է ծանր վիճակի մեջ: Բացառաբար է ազդում նաև Գեորգու մահվան լուրը: Սնունդի և ռազմամթերքի պակասը մղում է դասալրություն: 22-օրյա պաշտպանությունից հետո Այվազյանը, Միր-Կասիմի հանձնարարությամբ, բանակցության մեջ է մտնում անգլիացիների հետ և «խաղաղութեան դաշն» կնքում: Այս բանակցություններին հնդիկների պատվիրակության կազմում մասնակցում էին երկու հայ հրամանատար:

Շուտով ընկնում են նաև Բարսաբը և Ուոուսը: Միր-Կասիմն իր զորքերի մնացորդներով հեռանում է երկրից և գնում Բենարես, իր բարեկամ ռաջա Շիրադ-Դովլուի մոտ՝ նրանից օգնություն խնդրելու, «զի որպէս հարսգատ եղբայր միաբանեսցէ ընդ ինքեան և գնացեալ պատերազմեսցէն ընդ ազդին ինկլիզաց...»²:

¹ Խոջամալյան, Պատմութիւն Հնդկաց, էջ 119:

² Նույն տեղում, էջ 120:

Միր-Կասիմը ստանալով ռաջա Շիրազ-Դովլուի և Շահ Ալեմ թագավորի յօդառությունը, իր փոքր զորախումբը թողնում է Բենարեսում Գրիգորի և Սուրիասի հրամանատարության տակ, իսկ ինքը շարժվում անգլիացիների վրա: Քսանհինգ օր տևող կռիվները ոչ մի արդյունք չեն տալիս: Այդ կռիվներից մեկի ժամանակ ծանր վիրավորվում է Շիրազ-Դովլուն և իր զորքերը հեռ է բաշում:

Հետագա դեպքերը ողբերգական հանդիսացան Բենգալիայի նավարի համար. նա հարկադրված հեռանում է բաղադական ասպարեզից: Հայ հրամանատարները շքանկանալով վերադառնալ օկուպացված Բենգալիա, սիրով իրենց համաձայնությունն են հայտնում ծառայելու Շիրազ-Դովլուի բանակում: Նրանք երկար ժամանակ է մեծ նվիրվածությամբ ծառայում են հնդկական բանակում և հերոսաբար կռվում անգլիական զաղութարարների դեմ, որի շնորհիվ ռաջան «յոյժ սիրեաց զազգս մեր, և բերեալ Գրիգոր Այվազեան արար զնա սպարապետ ինքեան և ետ ի ձեռս նորա զզօրս բազումս... Գրիգոր արար կրկին զմեծամեծ քաջութիւնս... և ժողովեաց յազգէս մերմէ այրս իբրև վաթսուն, որք կան այժմ աշխարհին ասդ, և ունին զանուն քաջութեան սփռեալ ընդ ամենայն Հնդկաստան...»:

Ապստամբությունը արյան մեջ խեղդելուց հետո, անգլիացիները անցնում են ռեպրեսիաների: Հարկային գիշատիչ բաղադականության և կոլոպուտի արդյունքը եղավ 1769—1770 թթ. սարսափելի սովը, որը ոչնչացրեց հարուստ և մարդաշատ Բենգալիայի բնակչության 1/3-ը, այսինքն՝ 10 միլիոն մարդ¹:

Խոսելով այս սովի մասին, Կ. Մարքսը նշում է, որ «1669—1670 թվականներին անգլիացիները արհեստական սով սարքեցին, ամբողջ բրիտնը զնելով և հրաժարվելով այն այլ կերպ վաճառել, բայց եթե արհեստական բարձր զներով»²: Նույնիսկ իրենք՝ անգլիական զաղութարարները խոստովանում են, որ ամբողջ Բենգալիայի հարթավայրը ծածկվեց հայրենասերների ոսկորներով:

Հալածանք սկսվեց նաև հայերի նկատմամբ: Անգլիական ճնշումները այն աստիճանի հասան, որ հայերը ստիպված եղան հեռանալ սյս շրջանների մեծ մասից³: Անգլիացիները հայերի նկատմամբ կատարեցին մի այլ բռնություն ևս: Ինչպես հայտնի է, Հնդկաստան նոր մուտք գործած «Արևելահնդկական ընկերությունը» դաշինք էր կնքել հայ վաճառականների ներկայացուցիչ խոջա Փանոս Քալանթարի հետ, որով հայերին տրվել էին առևտուր անելու և ընկերության զբաղեցրած տերիտորիաներում բնակվելու լայն իրավունքներ⁴: Այս դեպքերից մի րանի տարի անց, Անգլիայի համայնքների պալատում հատուկ քննության առնվեց «Արևելյան հնդկական ընկերության» տերիտորիաներում ապրող հայերի իրավունքի հարցը: Համայնքների պալատը նկատի ունենալով հայերի «անշնորհակալությունը», նրանց զրկեց նախկին իրավունքներից⁵:

ВОССТАНИЕ ИНДИЙСКОГО НАРОДА ПРОТИВ АНГЛИЙСКИХ КОЛОНИЗАТОРОВ В 1760—1763 ГОДАХ И АРМЯНСКАЯ КОЛОНИЯ В ИНДИИ

Р. А. АБРАМЯН

(Р е з ю м е)

В истории освободительных войн индийского народа против английских колонизаторов исключительное большое значение имеет борьба индийцев в Бенгалии в 1760—1763 гг. Об этой борьбе ценные сведения сохранились в «Истории Индии» Товмаса Ходжамаляна, источником которой послужили документы архива Шах Алема и воспоминания участников этих событий.

¹ Ջ. Ս. Կիրակոսյան, Հնդիկ ժողովրդի ազգային-ազատագրական պայքարի հերոսական էջը, Երևան, 1957, էջ 14—15:

² Կ. Մարքս, Կապիտալ, հատ. 1, էջ 786:

³ Տե՛ս «Աղգասեր», Կալկաթա, 1846, № 37, էջ 132—138, № 38, էջ 139—141, № 39, էջ 147—148, № 40, էջ 156—157:

⁴ Հայկական ՍՍՌ-ի Ա. Պատմության ինստիտուտի արխիվ, գործ 148, տետրակ 21, էջ 28—31: Հմմտ. Կ. Հ. Գրիգորյան, Հայ առաջավոր քաղաքական-հասարակական մտքի պատմությունից, Երևան, 1957, էջ 17:

Руководителем восставших бенгальцев против англичан являлся Мир-Касим, который, будучи навабом Бенгалии, выступил против завоевателей и выгнал чужеземцев из своего родного края. Он организовал из свободолюбивых индийских патриотов боевую армию, назначив ее командующим армянина Григора Арутюняна, известного в индийской литературе под именем Георги-хан. Георги-хан оказался талантливым организатором; он сумел организовать на месте производство оружия, пушек и боеприпасов и хорошо вооружить индийскую армию. В командный состав своей армии Георги-хан принял много своих сородичей, которые в рядах индийцев доблестно сражались с англичанами. Мир-Касим и другие раджи и махараджи Индии всячески поддерживали армянских переселенцев, нашедших гостеприимный приют у индийского народа. Борьба индийцев в Бенгалии против английских колонизаторов продлилась три года. Индийский народ героически сражался против своего врага и многократно наносил ему поражения. Интересен тот факт, что каждый раз после победы над англичанами вместе с индийскими знаменами поднимали также армянское знамя, как знамя преданного союзника. Многие армянские полководцы, служившие в индийской армии, были награждены Мир-Касимом за храбрость и отвагу.

Независимость Бенгалии, однако, продлилась недолго; английские колонизаторы мобилизовали все свои силы и в 1763 г. подавили восстание бенгальцев. После захвата Бенгалии англичане стали предавать казни восставших патриотов, в том числе и армян. После этих событий решением английской палаты общин было отменено право армян на свободную торговлю в колониях англичан, как «народа неблагодарного».